

Službene novine FBiH broj 42/08

Na osnovu člana 8. Zakona o šumama („Službene novine Federacije BiH“ br. 20/02, 29/03, i 37/04) federalni ministar poljoprivrede, vodoprivrede i šumarstva donosi

PRAVILNIK o uslovima pod kojim se vrši paša, žirenje, brst, kresanje grana i lisnika, skupljanje šušnja i mahovina

Član. 1.

Ovim pravilnikom propisuju se uslovi pod kojim se vrši paša, žirenje, brst, kresanje grana i lisnika, skupljanje šušnja i mahovina (u daljem tekstu: pašarenje) u šumama u Federaciji Bosne i Hercegovine (u daljem tekstu: Federacija)

Član 2.

Šumskoprivredna društva koja gospodare državnim šumama i šumskim zemljištima, donose za svaku godinu plan pašarenja u skladu sa odredbama ovog pravilnika.

Član 3.

Pašarenje je zabranjeno u visokim šumama sa prirodnom obnovom i mladim podignutim kulturama visine do 2 metra.

Član 4.

Šumskoprivredna društva mogu dozvoliti pašarenje na onim površinama šuma i šumskog zemljišta koje su predvinene šumskoprivrednom osnovom (prirodne šume, starije vještačke kulture, degradirane visoke šume, niske šume i neobrasla šumska zemljišta) izuzimajući dozvoljavanje paše i brsta za koze u visokim prirodnim šumama i šumskim kulturama. Kantonalno ministarstvo nadležno za poslove šumarstva pod jednakim uslovima može dozvoliti pašarenje privatnim vlasnicima šuma.

Član 5.

Ukoliko šumskoprivrednom osnovom nisu tačno predvinene površine za pašarenje (odsjeci, odjeli, veće površine neobraslog šumskog zemljišta) šumskoprivredno društvo odreneuje i obilježava dozvoljene površine za pašarenje imajući u vidu zaštitu ugroženih i rijetkih vrsta tj. očuvanje biodiverziteta.

Član 6.

Ukoliko je šumskoprivredno društvo odobrilo pašarenje unutar jednog ili više odjela u visokim šumama sa prirodnom obnovom, isto obilježava staze – progone za kretanje stoke kroz odjele u kojima nije dozvoljeno pašarenje. Stoka se može kretati obilježenim stazama samo pod nadzorom čobana, a pašarenje se vrši pod stalnim nadzorom čobana.

Član 7.

Pravna i fizička lica za dobivanje određene površine za pašarenje podnose zahtjev šumskoprivrednom društvu za izdavanje odobrenja.

Član 8.

Zahtjev za odobrenje paše treba da sadrži mjesto i vrijeme paše, vrstu i broj grla stoke, karakteristike područja paše (golet, niska šuma, degradirana visoka šuma i visoka šuma sa prirodnom obnovom u kojoj je dozvoljeno pašarenje ili samo progon stoke).

U zahtjevu za odobrenje paše podnosilac zahtjeva obavezan je navesti izgradnju torova, koliba, štala, pojila za stoku, staza za progon stoke, kao i mjesto za loženje otvorene vatre, ukoliko pomenuti objekti ne postoje.

Član 9.

Šumskoprivredna društva podnosiocu zahtjeva za pašu izdaje odobrenje u roku od 30 dana od dana zaprimanja zahtjeva.

Član 10.

Uz odobrenje za pašu vlasnik stoke je dužan izvršiti uplatu za pašu kod šumskoprivrednog društva. Cijene za pašarenje odreneuje šumskoprivredno društvo koje gospodari državnim šumama i šumskim zemljištima na području kantona.

Član 11.

Ovaj pravilnik stupa na snagu narednog dana od dana objave u „Službenim novinama Federacije BiH“.